

經史避名彙考

經史避名彙考卷三十一

海寧周廣業耕

官僚二

隋

高頴字昭元一名敏賜姓獨孤氏文帝每呼為獨孤而不名

嘗曰獨孤公猶鏡也每被磨瑩皎然益明

史

李景字道興仁壽中光祿大夫文帝每呼李大將軍不名

隋書

李穆字顯慶仕周為大左輔文帝受禪穆耒朝降坐禮之拜

太師贊拜不名又竇熾為太傅帝加殊禮贊拜不名

俱隋書

杜公瞻京兆人衛尉墓卿猶子也嘗邀陽玠過宅酒酣嘲詈

公瞻曰兄既姓陽陽貨實辱孔子玠曰弟既姓杜杜伯嘗射宣王殿內將軍牛子充衆推其機辨嘗謂玠曰君羊有玠恐不任厨玠曰君牛既充正可烹宰又見玠食芥菹曰君身名玠何得復啖芥菹對曰君既姓牛何得不斷牛肉太倉令張策謂玠曰卿本無德忽共叔寶同名玠抗聲曰爾既非英雄敢與伯符連諱哉

唐

裴寂字元真

宰相表作真元

仕隋爲晉陽副宮監高祖拜尚書左僕

僕射常呼爲裴監而不名當朝貴戚莫與爲匹

唐書

據

言曰高祖呼裴寂爲裴三明皇呼宋濟爲宋五德宗呼陸

贊為陸九廣業案蘇鶚杜陽雜編云德宗每與宰相臣詢論

時政往往呼其行第今考裴三之稱始于高祖而明皇呼

姜皎為姜七隋書宣宗呼馮家為馮三王泉子宣宗除鄭

馮三上曰使以馮三為副使是唐以行第呼臣沿為家法

矣朱子曰高祖與裴寂家昵宮人私侍之說未必非高祖

官太宗數之曰計公勲庸不至于此特以思澤得居第一

斯刺心之言竅聞應為愧死憲宗時宰相杜佑私呼主

蘇世長為王世充太子太保歸唐高祖朝之曰何名長而意

之短口正而心之邪世長曰名長意短誠如聖旨口正心

邪不敢奉詔後為秦府學士新唐書

李綱字文紀初名瑗字子玉武德初太子太保高祖以其隋

代名臣甚加優禮每手敕未嘗稱名書

房元齡字喬初為秦王府記室累官太子太傅梁國公書

沈括筆談云家有博陵畫十八學士各有真贊亦唐人書
多與舊史不同姚柬字思廉舊史乃姚思廉字簡之蘇臺
陸元明薛莊唐書皆以字為名李元道蓋文達于志寧許
敬宗劉孝孫蔡允恭唐書皆不書字房元齡字喬年唐書
乃房喬字元齡孔穎達字穎達唐書字仲達蘇典名以
日從九唐書乃從日從助蓋唐書成於後人之手容有傳
訛此乃當時所記也以舊史考之魏公對太宗云目如懸

鈴者佳則元齡果名非字也廣業案沈所稱唐書謂劉氏
舊書也新書元齡字喬則仍以元齡為名特字少一年字
耳白珽湛淵靜語曰顏籀高儉房喬封倫皆唐初人時惟
稱師古士庶元齡德莫未有名之者蓋以字行故漢書注
直稱顏師古管子注直稱房元齡但舊唐書既明言房喬
字元齡新唐書乃謂房元齡字喬又謂師古字籀不知歐
公何據遂以字易名也今考趙岫石墨鐫華載梁公碑諱
元齡字喬高申公瑩記稱諱儉字士庶疑歐所據者碑銘
譜傳趙岫以為先以字行後復以名為字是也

高馮字季輔以字行太宗朝中書令檢校吏部尚書齊國公

永徽初加侍中少保書楊誠齋文贈云史所謂以字行者謂其以賢聞於人當時之人皆字之而不名傳之既久而人遂不知其名止知其字如高士廉之類是也然特人以字稱之而已不容以自名且自稱其字於君之前也按高宗永徽四年長孫無忌等二十二人刊定孔穎達五經正義表其中脩縣國公臣季輔者即高季輔也季輔為字後以字行豈容自稱其字於君前乎蓋必名季輔而字馮如房元齡字喬之類而史家誤之耳廣業案誠齋此說未免拘牽人幼名冠字自稱及入官本當用名既幼無所表見及長而人皆字之因遂即字為名然則稱名者常稱字

者變故史遇此等必云以字行或云以字顯非必皆敬其名而不敢稱也唐初如封倫字德彝以字顯閻讓字立德以字行姚思廉本名簡以字行張道源名河以字顯而高季輔亦然豈盡史之誤耶且本傳季輔兄季通永徽初詔爲虢州刺史則其兄亦以字行而并其名不傳豈得援字而不名之例耶又如唐璠字休璟以字行王緝字方慶以字顯徐彥伯名洪以字顯此避諱也郭震字元振以字顯李叔明字晉兄仲通字向辛京杲字京杲張孝忠字孝忠宇文審字審郭曖字曖或雙名隻字或名字俱單或名字相同皆據其本書之與敬名不同其應名而不名者法帖中載太宗勅有

云唱箭處只道官號及姓不唱名此不知所指何人想合
唱名故持勅止之也

宋璟邢州人元宗朝開府儀同三司封廣平郡公為尚書右

丞相謚文貞當時不以名稱止曰宋開府李肇四史補案舊

書本傳武后時文貞為左臺御史中丞嘗侍晏朝堂張易

之昌宗列卿三品文貞階六品在下坐易之妄悅其意虛

位揖曰公第一人何乃下坐文貞曰才劣品卑張卿謂第

一何耶當時朝列以二張內寵不名其官呼易之為五郎

昌宗為六郎楊再思謂昌宗曰人言六郎似鄭善果曰唐

新語載此事作鄭果清庶門有鄭善果仕隋至工部尚書當另一人

中丞奈何謂五郎為卿

文貞曰以官言之正當為卿若以親故當為張五足下非其家奴何郎之有廣業案禮部韻略云秦漢以後君呼臣為卿蓋期之以卿也士大夫相呼為卿蓋貴之也隋唐以來尊之則稱公儕輩下已則稱卿故宋呼張易之為卿日知錄云郎者奴僕稱其主人之辭安祿山德李林甫呼十郎王繇謂王鉷為七郎李輔國中人但呼五郎程元振軍中呼十郎陳少遊謁中官董秀稱七郎是也其名起自秦漢郎官三國時周瑜至吳年二十四吳中呼周郎江表傳孫策年少雖有位號而士民皆稱孫郎世說桓石虔小字鎮惡年十七八未被舉僅隸已呼鎮惡郎後周書獨孤侯

少年好自脩飾軍中呼獨孤郎隋書滕王瓚周世以貴公子又尚公主時號楊三郎宇文昺為煬帝所親昵人呼宇文三郎溫大雅大唐創業起居注時文武官人並未置署軍中呼太子秦王為大郎二郎自唐以後僮僕稱主通謂之郎今則與臺廨養無不稱之矣廣業案三輔決錄靈帝時京兆人田鳳為郎帝題殿柱曰堂堂乎張京兆田郎此連官為稱顧氏所謂起於郎官殆謂是歟吳仁傑西漢刊誤補遺邛都夷傳以張翕有遺愛拜其子端為太守夷人歡迎曰郎官儀貌類我府君仁傑曰漢制吏二千石以上得任同產若子為郎故謂人之子弟為郎君其稱謂始此

後世家奴因謂主為郎其女若婿亦謂為郎石崇奴券曰
市豪華備郎寫書司馬越女銘曰東海女郎謝安石言王
郎逸少子是也又年少亦謂為郎孫策年少雖有位號而
士民皆呼孫郎凡此其原皆出漢任子之稱今考文選應
休璉與滿公琰書外嘉郎君謙下之德張銑注炳父寵為
太尉據常事之故呼曰郎君此亦一證也但唐初高祖呼
蕭瑀為蕭郎則君稱其臣曰郎新書韋堅傳三郎當殿坐
謂元宗也則臣稱其君亦曰郎也婦人謂夫曰郎世說謝
道韞惡其夫王凝之曰不意天壤之間有此王郎諸葛恢
女改嫁江彬彬詐魔女呼婢喚江郎覺婦人謂所私者亦

曰郎齊鬱林王何后私於帝左右楊珉西昌侯鸞遣蕭坦之奏誅之后流涕覆面曰楊郎以少年無罪何可枉殺又呼夫弟為小郎晉書王凝之妻謝道韞曰欲為小郎解圍謂獻之也王衍妻郭氏怒衍弟澄曰夫人臨終以小郎囑新婦不以新婦囑小郎又北朝外舅姑呼婿為郎北齊楊愔尚太原長公主胡太后呼為楊郎又呼姊妹夫為郎唐封德彝娶楊素從妹素稱為封郎又子呼父亦曰郎北史李憲為汲固長育至十餘歲恒呼固夫婦為郎婆唐世閩人呼父亦曰郎罷其稱年少為郎如北史周捨呼徐之才為徐郎王熙呼盧元明為盧郎之類諸稱雖隨時不同然

惟奴僕稱主則無不郎者二張之稱宋為公又推第一人者以飛書告二張謀反時文貞嘗有悔不先碎豎子首之言故深畏之而妄以此說之也新書傳改為易之諂事文貞失其意矣鄭善果則見又出二張下也易之小字契苾

張

萬歲太僕少卿三代典郡牧恩信行隴右故隴右人謂馬

歲為齒為張氏諱也

唐統紀

通鑑考異開元十二年張萬歲

掌國馬注引之鑑戒錄辨云公羊傳晉荀息謂獻公曰馬

齒加長矣則謂馬歲為齒有自來矣豈為張氏諱哉石林燕語曰馬數歲者以齒唐人謂隴右為張萬歲諱亦未必

然他畜不計年唯馬之壯老欲驗其實必自其齒觀之則以歲為齒理固然也攷古質疑曰曲禮齒路馬有誅疏云齒年也論量君馬歲數亦為不敬周禮馬質書其齒毛顏延年赭白馬賦齒厯雖衰自古言馬歲必以齒矣廣業案三說雖是然經傳之文不盡通俗說文馬一歲曰鼻二歲曰駒三歲曰駝八歲曰馱是馬以歲計自漢已然隴右安得獨以齒名况萬歲領郡牧自貞觀至麟德四十年馬七十萬六千所置八坊四十八監列布岐幽涇寧河西思信大著豈有不為諱者張說大唐開元十三年隴右監頌德之碑稱張萬歲時四十八監猶為狹隘更析四監乃能容

之時天下以一鱣易一馬秦漢之盛未始聞也張氏中廢馬官亂職垂拱之後潛耗大半今霍公毛仲始復云云收事之盛如此人為避諱又何疑焉

張說字道濟或字說之歷右丞相封燕國公敦氣節喜推藉後進能文章開元後宰相不以姓著曰燕公云與說稱望略等者蘇頲字廷碩開元中平章事封許國公時稱燕許

大手筆

新書

張九齡字子壽一名博物譔韶州曲江人仕尚書右丞相開元間封曲江男天下呼為曲江公而不名新書李肇國史補云開元日不以姓而可稱者燕公曲江太尉房魯公不以

名而可稱者宋開府陸充公漲王右丞房太尉郭令公崔

太傅融楊司徒綰劉忠州

當是陸州修

楊崖州段太尉綉顏魯

公位卑而著名者李北海

邕

王江寧鶚李館陶鄭廣文皮

元魯山蕭功曹

頴

張長史旭獨孤常州及杜工部崔比部

雀以字行

梁補闕蕭韋蘇州

物應戴容州

缺又裴敬撰翰林

學士李白碑云古以明德稱占其官謚者甚稀前以詩稱

者若謝吏部何水部遜陶彭澤鮑參軍之類唐以詩稱者

王江寧宋考功暉韋蘇州王右丞杜員外之類以文稱者

陳拾遺駉蘇司業

元容州

蕭功曹韓吏部之類德行

稱者元魯山陽道州城以直稱者魏文貞狄梁公忠烈稱

者顏魯公段太尉蘇以武稱者李魏公勅英公以學行
文翰稱者虞祕監融唐之得人於斯為盛翰林其以詩稱
之一也

元德秀字紫芝魯山令天下高其行不名謂之元魯山

新書

房琯字次律天寶中同平章事陳濤斜之敗肅宗罷為太子

少師卒贈太尉新書抑宗元房公德銘云唐之元臣以姓配

公最著者曰房公

互詳師友

杜甫字子美官左拾遺 來謙鳴荊州府志江陵縣沙市有

杜公巷俗呼杜甫巷先賢名當諱令改

孟浩然字浩然張九齡在荊州辟置于府開元末卒初王維

過郢州畫其像於刺史亭因曰浩然亭咸通中刺史鄭誠
謂賢者名不可斥更署曰孟亭新今稱孟襄陽以其為襄
州襄陽人也皮日休郢州孟亭記云先是亭之名取先
生之諱鄭公曰焉有賢者之名為趨廝走養朝夕言於刺
史前耶命易之以先生姓曰休曰春秋書名曰貶書字曰
貴况以賢者名于署亭乎君子是以知公樂善之誠也百
祀之弊一朝而去則民之弊去之可知矣山堂肆考云孟
浩然名浩以字行王士源作詩序但稱孟浩然不言字雕
本有字浩然三字觀士源贊詞曰浩然清發亦其自名則
是名浩然也孟亭正猶武康之有孟保孟井皆以孟東野

得名也

郭子儀字子儀代宗即位以為尚父兼太尉中書令封汾陽
王子曖尚公主因話錄代宗常呼為大臣而不名通考汾
陽王家傳一卷陳雄撰雄本王僚吏又從事渾瑊幕府故
傳不名

顏真卿字清臣小字羨門子別號應方行狀因亮為平原太守

唱義拒安祿山肅宗朝歷太子太師往諭李希烈見執死
封魯國公生平立朝正色非公言直道不萌于心天下不
以姓名稱而獨曰魯公書

王維字摩詰開元初進士官右丞與弟縉字夏卿齊名縉佐

平安史之亂附元載至左相

書

維兄弟以科名文學冠絕

當代世稱朝廷左相筆天下右丞詩皆官稱而不名

宣和書

李林甫小字奇奴開元中宰相安祿山德之呼為十郎謝因話錄云林甫姦邪陰賊妬嫉賢能當時正直之士多被構害而守尋常仕進者各獲其分至今人有以右座呼之而不名也其非在下有以感之者乎

裴諤字士明太子司議郎史思明陷東都捕得之思明嘗為

諤父寬將校懷舊恩見諤甚喜呼為郎君而不名諤

韋陟字殷卿襲封郇國公官吏部尚書性侈縱以五采牋為書記使侍妾主之以裁答受意而已皆有楷法陟唯署名

自謂所書陟字如五朵雲時人慕之號郇公五雲體書東
觀餘論云唐文皇令羣臣上奏任用真草唯名不得草後
人遂以草名為花押草陟五雲體是也有朝士施結者善
收古今人押字所藏甚多予曰魏晉以來法書至梁御府
藏之皆未異唐懷允沈熾文姚懷珍字題名於首尾紙縫
中謂之押縫或謂之押尾祇謂書名耳後人花押以草書
記其自書故謂之押字或曰草字蓋沿習此耳唐及國初
人書牘或只用押字與用名不異上表章亦或爾近世遂
施押字于移檄或不書已名字而別作形模非也又跋文
忠烈公真蹟云後一帖緘封乃公名書唐人初未有押字

但草書具名以為私記故號花書如五雲體是也國朝大老亦多以名為押而國其下趙清獻王文公皆然而熙寧間蓋有花書畫作棖之語癸辛雜識後集云近見先朝太祖太宗時進呈文字往往只押字而不書名後見前輩所畫乾淳間禮部申秘書省猶押字而不書名或以為相輕范石湖笑其陋古人押字謂之花押印是用名字稍花之如韋陟五雲體是也前輩簡帖亦止前面書名其後押字雖刺字亦前是姓某起居後是押字士大夫不用押字代名是百餘年事耳廣業案朱子語類論一百六某向在浙東吏人押安梅司牒至既僉名又押字至紹興府牒吏亦請

僉名某當時只押字去據此則名重而押輕南宋已然矣
李栖筠字貞一代宗朝御史大夫賜贊皇縣子喜獎善而樂
人攻已短天下士歸重不敢有所斥稱贊皇公云新因

話錄云今以御史為西臺考憲府未嘗有東臺西臺之稱
唯俗呼在京為西臺東都為東臺李栖筠為御史大夫後
人不名者呼為西臺又不知出何故事豈以其名上栖字
遂呼之耶揮塵前錄云栖筠為御史時不樂者呼為栖臺

盖斥其名

陸贄字敬輿少入翰林天子嘗以輩行呼而不名時雖內相
新書權德輿序贄集云有時燕語不以公卿指名但呼陸九

撫言亦云德宗呼為陸九又舊書王琚佐明皇平內難為
戶部尚書預大政事號內宰相

韋臯字城武

宣室志臯生一月有胡僧見之曰此諸葛武侯後身將為蜀帥蜀人當受其福住在此門與此

子友善聞生于韋氏

吳之因以武侯字之不遠而德宗朝檢校太尉兼內中

書令後封南康郡王為西川節度使二十餘年務私其民
列州互除租凡三歲一復歿後蜀人德之見其遺像必拜
凡刻石署臯名者皆饒其文尊諱之斷 雲溪友議云臯
娶張延賞相公女不為延賞所禮由是婢僕頗輕慢之惟
妻母苗氏待之甚厚臯因辭東遊後權隴右軍事會德宗
幸秦臯持節西川替延賞乃改姓名作韓翱人莫敢言至

天回驛去府三十里人有報曰替相公者韋皋即韓翃苗氏曰必韋郎也延賞曰天下姓名同者何限彼韋生已委溝壑豈能乘吾位乎翌早入州方知不悞延賞慙懼自西門潛遁皋見苗禮奉倍至求前輕慢者皆杖死之道教靈驗記德

宗還京拜皋鳳翔節度使慙讓乞改西川

馬燧字洵義德宗朝以戰勲歷光祿大夫兼侍中谷神子述古博異記云燧貧賤時寓遊北京謁府主不見乃寄於園吏吏曰莫欲謁護我否若謁即須見言當為其岐路耳護我諱數字而法甚嚴切君當在意若犯之無逃其死也及晨謁護我果犯諱庭叱而出畏懼之色見見園吏吏曰是

必忤護戎耳燧問計求脫遂匿之糞車中載出郭而逃唐

四京京兆中京河南東京太原北京鳳翔西京

李巽字令叔順宗朝兵部侍郎 嘉話錄云濠州刺史崔清

替李遜字友見侍郎李巽稱遜渾不解官巽曰李巽即可

在獨不稱公意清稍悟慚顧而出

杜佑字君卿憲宗朝拜司徒封岐國公每進見天子尊禮之

官而不名謝上以佑高年重德常呼司徒而不名通權德

輿岐公淮南遺愛碑銘云公字君卿京兆杜陵人不書名

尊大臣也唐文粹

裴均字宏中憲宗朝中書侍郎平章事加集賢殿大學士帝

在殿中常呼相官而不名謝

李光顏字光遠從裴度平蔡功多官平章侍中先是其兄光
進元和間以御史大夫從王承宗等引師救易定表為都
將至是光顏亦為大夫故軍中呼大小大夫謝

高崇文字崇文

韋貞之字

官司徒封南平郡王

北夢瑣言

曰高相國本蓊州將校因討劉闢功授西川節度一日大
雪諸從事吟賞有詩渤海鄙生多呼人為髑兒高謂客曰
某雖武夫亦有一詩口占云崇文崇武不崇文操戈出塞
髑將軍那個髑兒射鴈落白毛空裡落紛紛其詩着題皆
謂北齊敖曹之比也

白居易字樂天晚自號香山張固幽閒鼓吹云白尚書應舉

初至京以詩謁顧著作况况覩姓名熟視白公曰米價方

貴居亦弗易

唐語言作

長安

及披卷首篇曰

上草詩

原成

陽原上草一歲一枯榮野火燒不盡春風吹又生即嗟賞

曰道得箇詩即居易矣

此語作有詩如

前言戲之耳因為

之延譽聲名大振廣業案宣宗吊白公詩曰浮雲不繫名

居易造化無為字樂天以指斥為哀輓於歿則稱謚若字

之禮乘矣

元稹字微之憲宗時以監察御史使蜀三川人慕之其後多

以公姓字名其子官終右僕射白居易誌墓

文苑英華

李吉甫字宏避改字憲栖筠子憲宗元和六年由節度淮南使

召還秉政入對延英凡五刻罷帝尊任之官而不名居安

道里時號安邑李丞相謫

裴均字君齊左僕射平章事封郟國公韓愈拜中書舍人俄

有不悅愈者擬其舊事言愈前左降為江陵掾曹荆南節

度使裴均館之甚厚均子鏐凡鄙近者鏐還省父愈為序

餞鏐仍呼其字此論喧於朝列坐是改太子右庶子謫

陽城字元宗第進士去隱中條山遠近慕其行來學者接跡

李泌薦拜右諫議大夫後出為道州刺史罷貢侏儒州人

感之以陽名子謫能改齋漫錄商於有陽城驛元微之

以為名與陽道州同當避其諱改為避賢驛唐業案元微
之陽城驛詩商有陽城驛名同陽道州陽公歿已久感我
淚交流辭曹諱羊祜此諱何不侔我欲避公諱名為避賢
郵白樂天和詩云荆人愛羊祜戶曹改為辭一字不忍道
况兼姓呼之王禹偁小畜集不見陽城驛詩序云予童時
覽元白集唱和陽城驛詩時元貶江陵過商山感陽道州
而作其改驛為避賢不忍呼其名也樂天在翰林得而和
之又見杜紫微富水驛詩題下解云富水驛舊名與陽諫
議同卒章曰驛名不合輕移改留警朝天者惕然云云案
苑英華題作富禹偁詩曰一以諱事神名呼不忍為一以
春注作富沙

名警衆名存教可施

韓準字仲聞德宗朝京兆尹穆宗朝左僕射因話錄云公在夏口嘗病小瘡令醫傅膏藥未濡公問之醫云天寒膏硬公笑曰韓準實是硬竟不以為罪得大賢體矣

柳公綽字寬小字起之穆宗朝尚書南部新書公綽在山南有屬邑啟事者犯諱糾曹請罰公曰此乃官吏去就非公文科罰退其糾狀

韋宏景嗣立之孫因話錄鄭滂前定錄作誘誤穆宗朝尚書左丞進士在

名場歲久一夕忽夢及第與韋周方同年時韋氏舉人無名周方者太和元年秋移舉洛中時尚書韋宏景廉察陝

郊族弟景方赴舉過之尚書曰我名宏景汝兄宏方汝名景方兄弟各分我名一字殊無意也遂更名周方滂聞極喜四年周方及第滂果同年焉

牛僧儒字思黯相穆敬文三宗封奇章公李吉甫呼為丑座棘或謂之太牢公譔因話錄長慶中鄂州里巷間人每語輒以牛字助之又一僧自號牛師乍愚乍智人有忤之者必曰我兄即到其奈我何未幾相國奇章公帶平章事郎度武昌軍語乃絕而牛師尚存僧者牛公名也宰相建節鎮夏口自牛公始將相之位豈偶然耶

李德裕字文饒元和相吉甫子與牛僧儒有憾時謂牛李黨

文宗拜中書平章封贊皇縣伯又相武宗封衛國公人亦稱爲贊皇公 撫言云太尉頗爲寒進開路及謫官南去或有詩云八百孤寒齊下淚一時南望李崖州殿替記云京師久旱德裕拜相即日大雨京中喜曰此李德雨也李商隱代會昌一品集序惟公書姓氏而不名如水鏡而爲言托丹青而爲裕徐樹穀注云裕當作格謂不當犯其名也成都文類彙倫新繁縣衛公堂記繁江令舍之西有文饒堂父老言唐李衛公爲令時鑿湖于東植楠于西堂所爲得名也顧斥其字名黷於卒胥稱謂之口乃改衛公堂以尊異之

李珣字待價文宗朝相大中初揚州大都督府長史淮南節

度使

李長科

明流慶秘書報應彙纂廣陵江陽人李

珣販糴為業俾人自量一斗只取二文利以資父母年八

十餘不改業適宰相李制淮南珣以犯諱改名寬神通

號李下車數日夢入洞府金牌上首列李珣字視之極喜

仙童曰此非相公乃江陽部民也後寬百餘歲蟬蛻去

段文昌字墨卿一字景初穆宗相文宗封鄒平公因話錄

段相性介狹燕席賓客有眉睫之失必在怪訝在西川有

進士薛太白飲酒稱名太多明日遂不召廣業案此不惟

憎其諂亦惡其以前賢之字為名也

龐巖字子肅壽州壽春人第進士太和間京兆尹因話錄

龐京尹及第後從事壽春有江淮舉人姓嚴見登科記誤以嚴為姓遂賃舟丐食就謁時郡中止有一判官亦更不問其氏便詣門投刺稱從姪龐族人甚少覽刺極喜迺納款曲久之語及族人都非龐氏之事嚴方訝之問郎君何姓曰某姓嚴嚴梅掌大笑曰君誤矣嚴是我名預君何事揖令去其人尚拜謝稱叔父從容而退

李益字君虞姑臧人大歷進士文宗朝禮部尚書

韞氏譜
書志

因話錄尚書與宗人庶子同名俱出於姑臧公時人謂尚書為文章李益庶子為門戶李益而尚書亦非無門地者

嘗姻族有禮會尚書歸笑謂家人曰大堪笑今日局席兩個坐頭總是李益廣業案新書宰相表姑臧房名益者止一人仕秘書少監其子即刑部尚書當也餘諸李及宗室更無名益者文藝傳云益故宰相揆族子貞元末與宗人賀齊名憲宗時秘書少監文宗太和初禮部尚書致仕與同朝李益皆不著籍趙璘所云同出姑臧公蓋謂同與聖皇帝後也郡望隴西代宗封李揆為姑臧縣伯故端卿亦可稱姑臧公晁昭德以君虞為姑臧人由此也陳氏書錄謂尚書係宰相揆子据宰相表則益父名堪非揆也庶子李益無可詳考若文饒為西祖勁之後望出趙郡而所著

乃有姑臧集五卷故陳直齋以為未詳

紇干泉字咸一大中中江西觀察使 玉泉子唐舉人李文彬受知於舍人紇干洎有同時今京兆府司隸賀蘭洎卒彬因謁紫微問今日有何款事對曰適過府間紇干洎卒洎曰莫錯否彬曰不錯洎曰君大似共鬼語也拂衣而入彬乃悟蓋俱重姓因名而誤對也廣業案洎即泉之別體新書杜元穎柳仲郢傳俱作紇干泉藝文志神仙家有紇干泉序通解錄一卷異聞錄載此事作泉而訛紇為紀

杜審權字殷衡懿宗朝尚書僕射襄陽郡公 南部新書審權知舉放盧處權有戲之曰座主審權門生處權可謂權

不失權

甘子布 大唐新語孟州歲進柑子皆以紙裹之他時長吏嫌紙不敬代以細布既而恐柑子為布所損每懷憂懼或子布使蜀驛使馳白有御史甘子布至長吏以為推布裹柑子事懼曰果為所推及子布到驛長吏但序以布裹柑子為敬子布初不之知久而方悟聞者莫不大笑子布好學有文章名聞當代

崔允 改字 垂休小字縉郎昭宗時四拜宰相人號崔四入後以誅劉季述功帝德之延見或不名以字呼之寵遇無

比新書

裴子雨

給事中

為下邳令張晴為縣丞二人俱有聲氣而善

言語會論事移時吏竊相謂曰縣官甚不和長官稱雨

府即道晴贊府稱晴長官即稱雨終日如此不和

對氏演
間見記

案此事亦見錢希白南部新書子雨作子羽薛史有裴羽

字用化唐僖宗相贊之子仕梁唐周官至尚書當另一人

張勗字公表僖宗朝吏部侍郎謫終天平節度北夢瑣言

曰張尚書朝望既高號為流品與韋相保衡有分韋言於

同列以其名勗勗訓袒衣也又詩云載衣之襦即小兒襦

衣乃細帶也方欲因事改之未幾韋相流貶竟不大拜韋

嘗問立名之由勗以少孤為無學問親表所誤也後唐姚

相名洎善談吐仍多辯捷表兄弟崔沂侍郎戲之曰洎訓
肉汁胡為名洎無以酬之然洎亦訓至古人以名昭諄者
多矣妨事者有焉至如仙客童齊邱用勵希效大過亦
無取焉其複名須依義訓唯單名易諱者善矣廣業案易
諱之說亦足誤人孫休命子其明鑑也究以義訓為重瑣
言又載江州楊惟直游宦紀開生四子發假收嚴皆登進
士叔大拜發以下皆丞郎發以春為義其房子以祝以乘
為名假以夏為義其房子以奠官鼎為名收以秋為義其
房子以鉅鑄鑑為名嚴以冬為義其房子以注涉洞為
名盡有文學高第號脩竹楊家其字雖非易諱而皆有義

理自與不學者異。瑣言又載大中初進士盧攜短舌語音不正，呼攜為彗。軒後為侍郎，不知僚佐如何引避也。

案唐世官諱甚重。觀楊鉅記翰林學士院舊規，其疏簿例云：不得有行坐人字及諸凶惡文字及廟諱。官諱是官諱之避，幾同于廟諱也。

五代

晉

崔悅字文

一原開

晉太常卿。羣居大會，端坐寡言，嘗云：非止致

人愛憎，且或干人祖稱之諱。史

周

馮道字可道唐明宗時翰林學士即拜端明殿學士端明之
號自此始歷相四朝顯順初拜太師中書令太祖每進對
不以名呼封瀛王自稱長樂老婦 陶岳五代史補道在
中書有舉子李導投贄所業馮相見之戲謂曰老夫名道
其來久矣加以累居相府秀才不可謂不知然亦名道于
禮可乎李抗聲曰相公是無寸底道字小子有寸底導字
何謂不可公笑曰老夫不惟名無寸諸事亦無寸吾子可
謂知之矣了無怒色 吳取善籍川笈林道門客講道德
經首章道可道非常道客以道是馮名乃曰不敢說可不
敢說非常不敢說

王峻字秀峯太祖時右僕射門下侍郎平章事以佐命故又
年長于太祖二歲以兄呼之有時呼表字不忘布衣之契
也媯

常思字克恭廣順年平盧節度使太祖少孤衣食于思家以
思為叔及即位每呼常叔拜其妻如家人禮入覲呼為叔

母薛史參
歐史

高行周字尚質自唐明宗時已立戰功至漢乾祐中封齊王
太祖踐位加守中書令以耆年宿將賜詔不名但呼王位
而已媯

王著字成象世宗時翰林學士以幕府舊僚眷待甚厚每呼

學士而不名宋

附南唐宋齊邱字子嵩李建勳字致堯並歷相烈祖元宗建勳以左僕射監修國史 鄭文寶南唐近事元宗天性謙謹接臣下動循禮法目齊邱為子嵩建勳為史館皆不之名也

前蜀唐道襲以舞僮見幸於建建養子宗信易之後為樞密使猶名呼道襲道襲不堪其辱雖內恨而外奉宗信甚謹建聞之怒曰宗信名呼我樞密使是將反耶後竟為道襲所中至死歐史蜀世家十國春秋

南漢龍曉為蒙州刺史曉武人極諱己名并其父名借子名

邛亦諱之郡人呼鼻為唾十三

厥勝章言鼻乃天毒所產見問者必罹殃禍急向鼻

連唾十三口後靜坐北斗

鵲曰喜奈何蚤曰秋風部屬

私相告曰若使君諱飯吾輩亦當稱甌家粥耶

精異

南平梁震唐末進士過江陵季昌愛其才識留為謀主呼曰

先輩

祖澤深荆州府志

經史避名彙考卷三十二

海寧周廣業耕厓

官僚三

宋

張承德字抱一娶周祖女拜駙馬都尉歷忠武軍節度太祖加兼侍中入覲名對後苑道故飲以巨觥每呼駙馬不名殊案承德以周勳戚臣於宋故不入戚畹

田景咸太原人周安國軍節度宋初左驍衛上將軍在邢州日供奉官王班奉使至郡縣景咸勸之酒曰王班請滿飲典客遽白此使者姓名也景咸悟曰何不素教我我謂王

班是官耳聞者笑之

續似道悅
隨抄

郭忠恕字恕先太宗朝國子監主簿時肅崇義以司業兼太常博士忠恕以其姓嘲之曰近貴全為噴拳龍定是聾雖然三箇耳其奈不成聰崇義對曰僕不能詩聊以一聯奉答即云勿笑有三耳全勝畜二心蓋因其名以嘲之忠恕大慙人許其機捷而不失正真儒者之戲也姪廣業素郭鼎二人並以漢周舊臣見錄新朝所嘲正中其病兼可垂戒故史特錄之漁隱叢話述此及陳亞蔡襄因言近時呂擴謝暉亦以名相嘲云呂擴無才終入廣謝暉不日便禿軍是則謔而為虐不可不謹也

賈黃中字鳩民太宗朝參政

宋史

事文類聚引文酒清話云

黃中為相廬多遜作參一日府畿有蝗虫廬曰某聞所有
乃假蝗虫賈曰亦聞不傷稼但廬多損耳廣業案此亦雅
謔但考之宋史黃中於淳化二年始入樞密參知政事三
年旱蝗四年黃中罷時同居宰輔者乃李昉張齊賢李沆
也多遜則於雍熙二年以罪卒於流所其所參在開寶中
與薛居正沈倫等同時恐有傳訛姑存之

呂端字易直太宗相真宗加太子太保每輔臣入對獨於端
肅然拱揖不以名呼謚正憲叅僧文瑩玉壺清話云真宗
居諒闇見公則肅然起敬未嘗名呼或以字行自稱小子

翰苑新書云真宗初即位對宰相皆不呼名呂端等再拜

請懇帝曰公等碩德元老

齡辭事類作元老

朕何敢比先帝乎

楊覃字中錫仕吳越著作佐郎登太平興國進士遷太常博

士覃本名蟬

新

張乖崖鎮蓋辟為倅奏名上太宗不識蟬

字召問之奏曰臣父名之不知其由兄蚡弟悅畫從虫臣

今已孤不敢更上曰蟬有何義奏曰臣聞出羽陵書曰白

羽虫也上歎曰古人名子不以日月山川隱疾尚恐稱呼

有妨今以細碎微類名其子未知其謂也以御筆抹去虫

止賜名覃

玉壺清話

廣業案覃景德間知潭州不知吏民何如

避也

寇準字平仲太宗朝參政歷相真宗封萊國公謚忠愍通鑑
注準與準同本朝寇準為相省吏避其名凡文書準字皆
去十後遂因而不改穀山筆塵云今制平行文移率用準
字即準也唐以來皆用準字至準為相省吏始減去十字
農田餘話云萊公當國凡有文字準此字去十作准至今
不改先宋諸人言之然韻書亦有此準字莊子有平中準
六書故云或謂萊公為相行文書不敢成字去其十則嫌
於淮故改之為之或云蔡京家諱也孫甫田唐韻及顏氏
干祿書已並出準准二字以准為俗書野客叢書云考魏
晉石本吏文多書此承准字又觀秦漢間書及隸刻平准

多作准知此體古矣于祿書唐韻注謂准俗準字既古有是體不可謂俗要皆通用吹劍錄引二老堂雜志亦云準之去十不自宋始王士正池北偶談云考古錄載泰安州宜福寺五代後唐長興四年中書門下牒石刻已用准字唐韻二字並收准字下注云俗莊子平中准管子懷繩與准鈞准繩文子放准尋繩皆用此字不始寇公廣業案此字自避宋順帝諱後已有變體故省吏仍用之而王珪蔡京父皆名準並當諱避遂終宋世不之改也

餘詳

向敏中字常之太平興國進士太宗飛白書敏中洎張詠二名付中書曰此二人名臣也朕將用之由郎中超擢至同

知樞密真宗朝累進昭文館大學士魏劉攽詩話云閔中語音以中爲蒸向敏中鎮長安土人不敢賣蒸餅恐觸中字諱也

曹利用字用之真宗朝樞密使加左僕射兼侍中溫歸田錄云章獻明肅皇后時利用以熟舊自處權傾中外太后亦嚴憚之但呼侍中而不名

王洙字原叔與林瑀同作直講林問王曰何相見之濶也王曰遭此淋雨韋錄臣舌

韓琦字稚圭歷相仁英神三朝封魏國公琦在魏都久遠使每過移牒必書名曰以韓公在此故也魏人爲立生祠相

人愛之如父母有鬪訟傳相勸止曰勿撓吾侍中也與富弼齊名號稱賢相人謂之富韓云姝堯山堂外紀宋時凡有所畏尊官則呼厥姓曰某家石曼卿每呼韓琦家為韓家云

丁度字公權觀文殿學士尚書右丞其在經筵仁宗呼為學士而不名群

范仲淹字希文初從母姓朱名說登第後改還姓并更名仁宗朝以龍圖閣直學士經畧陝西數年羌人親愛之呼為龍圖老子代呂夷簡入相汎愛樂義士多出其門者雖里巷之人皆能言其名字其卒也羌酋數百人哭之如父謚

文正姝 澠水燕談云公帥邠延涇慶四郡威德著聞蕃
部率稱曰龍圖老子元昊亦以是呼之老學菴筆記云西
陲里俗謂父曰老子因悟西人所謂大范老子小范老子
蓋尊之為父也建炎初宗汝霖留守東京群盜降附者百
餘萬皆謂汝霖曰宗爺爺蓋此比也廣業案小范老子謂
文正長子純祐也文正連官關陝純祐在軍與將卒錯處
得其才否自是任人無失而屢有功又城馬鋪砦一路恃
以安焉汝霖名澤宋史有傳

包拯字希仁廬州合肥人仁宗朝天章閣待制除龍圖閣直
學士權知開封府拜樞密副使謚孝肅立朝劉教貴戚宦

官為之斂手聞者憚之以其笑比黃河清童稚婦女亦知

其名呼曰包待制京師語曰閹節不到有閹羅包老

宋史

李師中字誠之仁宗時提點廣西刑獄攝桂州帥事交趾儂智高等皆歸服人化其德畫像立祠以事稱為桂州李大

夫不敢名官終右司郎中

宋史

唐介字子方仁宗朝殿中侍御史劾宰相文彥博在蜀日以奇錦結官掖貶英州彥博亦罷介直聲動天下士大夫稱真御史必曰唐子方而不敢名

宋史

蔡襄字君謨仁宗朝翰林學士三司使英宗初以端明殿學士知杭州謚忠惠

宋史

能改齋漫錄云皇祐中御筆賜

蔡襄字君謨後唱進士第日有竊為名者仁宗曰近臣之
字卿何得而名之遂令改傳遊雜錄云陳少常亞以滑稽
著稱蔡君謨嘗戲之曰陳亞有心終是惡陳復曰蔡襄無
口便成衰又懶真子云陳亞之自呼曰雅朱耆卿自呼曰
刑或問有故事乎僕曰孟施舍之養勇也又曰舍豈能為
必勝哉注云施舍自呼其名但曰舍蓋其好勇而氣急也
恐起於此廣業案雅刑皆變其音與孟施舍單呼一字者
微異太宗時樞密党進名進而自呼曰暉人問之則曰吾
欲從吾便耳雖然則陳朱具有黨進之遺風歟

翁升字南仲元豐進士自奉簡薄而勇於急人睦親恤孤平

耀賑之鄉人敬之至今諱升斗之升而不呼別字之曰方

十合云

天啟志
嘉慶志

王素字仲儀太尉旦季子仁宗朝以待制知渭汝定等州又以樞密直學士知開封成後知許州治平初夏人寇靜邊砦召拜端明殿學士復知渭州謚懿敏子鞏卒官度支副使妹王鞏聞見近錄先公三守平涼召自許州及對英宗皇帝曰端明舊德不當更守邊但願在廷無如端明者且爲官家行便當召還先公曰陛下方即位邊有警豈臣避難之時然陛下以官家自名呼臣等以官未正名分英宗曰方此即位視先朝舊人豈敢遽以鄉禮廣業案宋

史英宗紀帝即位每命近官必以官而不以名大臣從容
以為言帝曰朕雖宮中小臣亦未嘗以名也觀王懿敏事
帝之虛懷接下亦可見矣

富弼字彥國仁宗時與文彥博同相歷英神二朝封鄭國公
謚文忠東都事畧云弼早有公輔之望天下稱曰富公
續綱目云文忠當國日有人呼名辱罵之公佯不知或告
之曰想罵他人又曰明斥公名公曰天下豈無同姓名者
終不問

文彥博字寬夫相仁宗建事四朝任將相五十年封潞國公
謚忠烈澠水燕談云元豐七年告老陞辭上顧問優渥

又手札慰留居京師一月凡對上者五錫晏者三錫詩者
再顧問不名稱曰太師寵數優異近世無比

王安石字介甫小字耀郎

初生時家人見猶入其產室有頃
公生故名見鄧景望家齋筆談

自號半山相神宗封荊國公謚文 石林燕語云唐人初

未有押字但草書其名為私記故號花書韋陟五雲體是
也余見唐誥書名無一楷字今人押字或多押名猶此意
王荆公押石字初橫一畫左引脚中為一圈其圈多不圓
往往窩匾而收橫畫又多帶過常有密議公押石字者公
知之加意作圈一日書楊幡差遣勅作圈復不圓乃以濃
墨塗去別作一圓 王銍默記云介甫嘗戲拆劉貢父名

白劉敏不值一分文貢父遂戲拆介甫名曰失女便成宥
無心真是妬下交亂真如上交誤當宁介甫大慙而心啣
之石林詩話云貢父遇可諧誕雖公卿不避元豐末貶雖
坐他累議者或謂以時相姓名為戲惡之也廣業案貢父
嘗戲王覲云公何故見責王曰責君值甚分文癸辛與王
汾同趨朝聞叫班聲汾曰紫宸殿下頻呼女劉應聲曰寒
食原頭屢見君繞山堂外祀作內朝日日頻呂嘉問附王
安石提舉市易務三司使曾布劾其違法安石互罪三司
曾下朝請而嘉問治事如故貢父歎曰豈意曾子避席望
之儼然望之嘉問字也鞅鉞又沈存中括方就浴貢父遽

哭曰存中可憐已矣衆愕問曰死矣盆成括宋時馬
默為臺官彈放輕薄不當在文館故曰既云馬默豈合驢
鳴韋韞此類非一史言其善戲謔數用以招怨終不能改
蓋性生機敏而又狃于積習故也

祖無擇字擇之神宗朝龍圖閣學士其押字直作一口字人

問之云口無擇言

江陵集雜志

元絳字厚之熙寧間翰林侍讀學士終參政謚章簡宋揮

塵前錄云元厚之參知政事日有下僚陳乞恩例者啟曰
為部中不肯依元降指揮厚之怒曰止為汝不依元絳指
揮宋上官融宋開燕常談云厚之知杭州日一使呈公

事云合依元降指揮厚之徐拱手緩聲曰元絳何曾指揮
吏惶恐厚之曰爾誤也不之罪廣業案何良俊語林作知
括州日一吏白事公問如何吏曰合依元降指揮云云或
又作知福州日事蓋一事而傳聞互異也 王世貞續世
說筆談云厚之少時夢人告曰異日當為翰林學士須兄
弟數人同在禁林厚之素無兄弟疑之及熙寧中除學士
同時先後入學士院韓持國維陳和叔絳鄭文豹綰楊元
素繪并厚之名絳五人名皆從系始悟兄弟之說

司馬光字君實初字公實父池為成都郫縣尉生公于官廨

因小字岷

見成都文類

神宗朝與王安石同在政府論青苗法

不協以資政殿學士判西京居洛十五年天下以為真宰相田夫野老皆號為司馬相公婦人孺子亦知為君實也神宗崩赴闕衛士望見皆以手加額曰此司馬相公也民遮道聚觀馬不得行曰公無歸洛留相天子活百姓拜尚書僕射門下侍郎贈溫國公謚文正魏元城先生語錄云先生呼溫公則曰老先生呼荆公則曰金陵李模碧幢集書影曰熙寧元豐之間天下學士大夫稱司馬溫公曰老先生謂此稱非公不足以當之每見祀先賢者漢唐以下諸大儒俱止稱先生後世稱大老及先進不問德業何如輒曰老先生泛濫已甚近日田舍市井偶有子若孫列紳

於及年齒稍高便襲此稱呼無知甚矣許魯齋集司馬相
公家一僕三十年止稱君實秀才蘇子瞻來謁聞而教之
明日改稱大叅相公驚問以實告公曰好一僕被蘇東坡
教壞了亦見如廣業案溫公德望其僕終日以君實秀才
稱之不足損舉天下士大夫呼為相公老先生不足加非
真有得于中能之手

蘇澄字道淵元豐間殿中丞秩滿知同州澄城縣改國子博
士既去而民思之以邑與之同名稱為比縣終知華州范
純仁誌其墓宣統

湛朴字子文為江夏令動省過失臨民御政必稽叅條理然

後行設有小愆則以狀自劾使吏望闕宣讀呼名朴則公

常唯諾于其下示其改也忠宣薦其才

過庭錄

蘇軾字子瞻神宗朝直史館忤王安石出通判杭州累徙黃州團練副使築室於東坡自號東坡居士哲宗時累遷龍圖閣學士禮部尚書徽宗時官止朝奉郎謚文忠妣朝野雜記孝宗雅敬蘇文忠居常止稱子瞻或稱東坡晁氏讀書志云在黃州日自號東坡居士世因不呼其名止目為東坡公又曰蘇氏兄弟以文章倡天下號長公少公少公謂軾弟轍子由也老學菴筆記曰紹聖中貶元祐黨人子瞻儋州子由雷州劉莘老新州皆戲取其字之偏傍也時

相忍枝如此鶴林玉露云子瞻儋州以儋與瞻字相近也
子由雷州以雷字下有田字也黃魯直謫宜州以宜字類
直字也此章子厚駭讓之意有術士曰儋字旁从立人子
瞻其尚北歸予雷字雨在田上承天之澤子由其未艾乎
宜字乃直字有蓋棺之義魯直其不返乎後子瞻北歸至
昆陵而卒子由退老于潁十餘年乃終魯直竟卒于宜

賀鑄字方回元祐中知太平州自號慶湖居士

宋史文苑傳

貌奇

醜色青黑而有英氣俗謂之賀鬼頭有二子曰房曰廩於

文房從方廩從回蓋寓父字于二子之名也

老學菴筆記

王獵字得之長垣人范仲淹薦授永興藍田主簿徙林慮令

吏民愛信目為清長官入為諸王侍講英宗在邸尊禮之
即位拜待制兼侍講帝常稱其官曰侍講史

許將字冲元紹聖初尚書左丞中書侍郎相徽宗謚文定史
傳間燕常談云許冲元知西京有一屬稟事云某預錢若干
已有拍揮許將來春充預買錢冲元厲聲叱之曰許將
如何作史得預錢其人始悟觸諱跣謝過而退

聞人安道字夷庚寶元戊寅進士知南康軍熙寧初不以新
法為便嘗獻詩百篇於朝居秀州天心湖北秀守曾行重
修望吳門外安遠驛以避公諱遂改未興驛嘉興縣志

張商英字天覺神宗時監察御史相徽宗嘗詆元祐諸正人

時論薄之好佛自號無盡居士歟楊天惠丞相張公祠堂
記云蜀人為宰相自無盡公始因繪像事之而建祠于大
慈寺因述近事之卓然者以付寺僧而告之曰昔在徽考
有賢宰相張姓而複名既歿天下思之曰無盡而不以云
者斯其衣冠也來者必銘焉紹興八年記成都讀書志僧
惠洪覺範少能緝文天覺聞其名請住峽州天寧寺時官峽路
以為今世融肇也及天覺當國復度為僧易名德洪數延
入府中廣業案覺範犯其諱故易名

徐申字幹臣號青山 癸辛雜識外集云申自諱其名宣和
中知常州一邑宰白事言已三狀申府未施行徐怒形于

色責之曰君為縣長豈不知長吏名乃作意相侮宰亦好犯上者即大聲曰今此事申府不報便當申監司否則申吏部申臺申省申來申去直待身死即休語罷長揖而去徐雖怒然無以罪之

錢即字中道吳越王諸孫崇寧間以待制知太原終龍圖學士謚忠定粹聞燕常談云中道帥太原一日武官謁見叙舊累數百言而退錢語座客曰適來官人口不稱名便稱賤跡不已欲面折之便是要人避己名也客問似於門下有舊錢曰舊識其公客曰某亦識之佳士也錢曰只那老賤跡一塵階笑

岳飛字鵬舉中興時荆湘南北襄陽洛陽制置使神武後軍

都統為秦檜所害贈少保謚武穆

有缺

鶴林玉露云公

奉命討楊么時么據洞庭出沒不可測偶獲一諜者問其
巢穴對曰險阻安可入唯飛乃能入耳飛大笑曰天遣汝
為此言吾必破其巢穴三軍大喜迄平之翰苑新書引名
臣言行錄云湖寇楊么自恃其險賊中語曰有能害我除
是飛來俄詔用岳飛擒之讖于是乎驗岳珂嶺天辨証錄
洪皓嘗奏虜中所大畏服不敢以名稱者唯先臣至號之
為岳爺爺

張浚字德遠高宗朝尚書僕射中書樞密都督諸路軍馬孝

宗進少傅封魏國公春遇尤至對近臣言必曰魏公未嘗

斥其名謚忠獻程史云張賢良君悅咸家蜀綿州世

以積德間紹聖初再試制科以對策忤宰相章惇任不甚

達益植嫩貽後嘗一日晝寢夢神人自天降告之曰天命

爾子名德作宰相驚寤未幾魏公生時魏公之兄已名況

君悅不欲更所從乃字魏公曰德遠出入將相垂四十年

勳名為中興第一天固有以啟之歟老學菴筆記云魏公

有重望建炎以來置左右相多矣而天下獨目魏公為張

右相丞相帶都督六數人而天下獨目魏公為張都督雖

我狄六然

皇朝通志卷之六十五 魏公

孫覽字傳師官樞密人有投詩者曰伏惟笈覽傳師曰君無

笈覽覽合笈君

聞見後集

章惇字子厚神宗時參政徽宗遷特進封申國公宋史與蔡京蔡確安惇等俱入姦臣傳數人皆以構害忠良為事被禍者不可勝計天下怨疾有二蔡二惇之謠癸辛雜識外集云紹聖間安惇為從官章為相安見之但自稱享而已事畧云徽宗時崔鷗疏言宰相章惇天下士大夫呼曰惇賊貴為宰相人所具瞻天下以名呼又指為賊非以其辜負主恩翫竊國柄忠臣痛憤義士不服故賤而名之又號之以賊京師語曰大惇小惇殃及子孫謂惇與御史安惇

也一虛錄話傳父命早歲無行與妻母楊氏通而生子揚
將大吾門及長筮第即傳也東坡送其出守湖州詩云方
丈仙人出蒜茱高情猶愛水雲鄉傳以為北已恣之紹聖
中為相請蘇渡海蓋修怨也

蔡京字元長熙寧進士紹聖初翰林學士承旨徽宗累進太
師封魯國公以更定官名自號公相總治三省京凡四當
國目既不能視事凡京所判皆其季子儵為之且代京入
奏恣為姦利欽宗立天下罪京為六賊之首貶死儵亦褫
職薛昂與余深林樞始終附會京政和間昂官資政殿大
學士知應天府舉家為京諱或誤犯輒加笞責昂嘗誤及
即自批其口俱宋史朱子語類云京以三公為宰相冷人

以公相稱已而不得呼相公後秦檜亦然癸未雜識外集
云京在相位日權勢甚盛內外官司公移皆避其名如京
東京西改為畿左畿右之類薛門下昂避之尤謹併禁其
家人犯者答責昂嘗自誤及之家人為言乃舉手自擊其
口又蔡經國間閩音涼興化稱京為經乃奏乞改名純臣
此尤可笑間燕常談云薛聲明弼謹事京至戒家人避其
名宣和末有朝士新買一婢頗熟事因會客命出侑尊忽
一客語及京字婢遽請罰酒問其故曰犯太師諱一座駭
愕婢具述先在薛太尉家每見與賓客會飲有犯京字者
必舉罰平曰家人輩誤犯必加叱詈太尉脫或自犯則自

批其類以自戒云

雅字改爲漢錄云昂書名似

鐵園山叢談

云宰相堂食必一吏味味呼其名聽索而後供此禮舊矣
獨菜羹以其音類魯公姓諱故迴避而曰羹菜至今為故
事又云政和初至尊踵唐德宗呼陸贄為陸九故事呼伯
氏曰蔡大嬭是後兄弟盡以行次呼至嬭婦官寺亦從天
子稱之目仲兄曰十哥季兄曰十一吾亦荷上聖呼為十
三清波雜誌云石林為蔡京客故避暑錄所書政宣間事
尊京曰魯公凡及蔡氏每委曲回護而於元祐斥司馬溫
公名何也建炎紹興初仕宦者供家狀有不係蔡京王黼
等親黨一項今日江湖學道者人人諱道是門生石林其

堦一時之弊耶廣業案江湖學道二語係張芸挽王荆公詩以時禁字解學者皆諱言公門人也然荆公誤國病在執拗與蔡京姦險又有別少蘊作石林詩話專主半山而陰抑蘇黃猶是尊京而斥司馬之故智也不得藉口堦弊楊公輔徽宗朝人石公弼字國佐越州新昌人初名公輔徽宗以與楊公輔同名改為公弼宋史石弼傳廣業案楊公輔宋史無考徽宗時惟陳公輔亦字國佐台州臨海人政和間由平江府移越州累遷應天府少尹秘書郎意必此人而史誤以為楊也

趙立靖康末徐州觀察使泗州連水軍鎮撫使累敗金人爲

砲所擊而死金人憚其忠義不敢斥其名史

鼎昌原名山淵聖嘗語山曰古之名者不以山川今名山可乎山因乞更名淵聖許自擇以進於是以前何恭崇景等條上自比蕭曹姚宋最後及周昌御批周昌強直可慕可賜

名昌

外紀
堯山堂

趙鼎字元鎮崇寧進士高宗相為秦檜構陷死諡忠簡封豐國公中興賢相以鼎為首辛棄疾帥長沙時士人或訴考試官濫取第十七名春秋卷察之信然索亞榜春秋卷兩易之啟名則趙鼎也棄疾怒曰佐國元勳忠簡一人胡為又一趙鼎擲之地次閱禮記卷知為豪傑啟之乃趙方也姝

楊存中本名沂中字正甫紹興間賜名官都督封和王諱武

恭孝宗以其舊德尤禮異之常呼郡王而不名宋史

辛次膺字起季歷高孝朝除御史中丞每以名實為言多所

裨益孝宗眷遇隆厚呼其官而不名渡江後直言之臣辛

為首諛簡爾

宋史胡澹菴集

秦檜字會之為金所執逃歸相高宗力主和議加太師自稱

公相謚繆醜程篁墩集跋楊補之松檜圖云宋季有永嘉

處士胡哀者憎檜之奸題其堂曰六檜蓋以六隱戮字也

張守字子固崇寧進士建炎間參政諡文靖宋史揮麈前

錄傳崧卿子駿以都司奉使二浙回行在所時王唐翁張

全真為參政子駿既至堂中諸公問以部使者郡太守治狀子駿曰浙東提點刑獄王翱殊不職次欲啟明州張汝舟始悟適犯唐翁諱矣思所以避之卒然曰明州張守尤無狀頃刻間二執政姓名俱及之廣業案老學菴筆記云子駿嘗奏事誤稱名退而移文閣門請彈奏閣門以殿上語非有司所得聞不受乃自劾詔放罪據此則菴卿於稱謂間踈誤多矣要皆無心之失也

高登字彥先號東溪漳浦人宣和間太學生與陳東等上書乞斬六賊紹興間攝歸善令不附秦檜被廢追贈承務郎諡初危禎守漳郡創龍江書院檄臨漳臺作扁曰登高及

方來嗣守是郡以二字犯鄉賢姓名因見廖中丞賦詩有
云報潢一派接天朱碧玉千尋照眼開乃以碧玉千峰為
扁且賦詩以勸學者嶺南府志

謝伋字景思自號樂寮居士紹興末守括蒼司馬季思佐之
六名伋劉季高紹書與景思曰公作守司馬作郡事皆如
律令也聞者絕倒學若廣業案雲麓漫鈔云急急如律
令漢之公移常語猶今云符到奉行張天師漢人故亦用
之道家遂相祖述此言符牒有是式也然儒家間亦用之
唐陳子昂紫海文白居易紫龍文末俱云急急如律令蓋
戒敕之意季高借隱二伋名可謂善譏矣

趙雄字溫州孝宗朝右相謚文定宋史孝宗紀淳熙七年詔自今常朝毋稱宰相名命樞密使亦如之合璧事類云是年上諭每日常朝可同後殿之儀不必呼宰相名趙雄奏君前臣名禮也臣豈敢當陛下欲少更朝儀須俟它日有碩德在位施行未晚不可自微臣始俞文豹吹劍錄載士谷曰蘇洵言名呼而進退之非所以禮貌大臣也丞相不必辭癸辛雜識外集載上云朕詔老蘇言贊議之臣呼名如胥吏非禮貌之意也

史浩字直翁孝宗相光宗進太師追封越王謚忠定宋史老學菴筆記王嘉叟自洪倅召為光祿丞李德遠召為太

常丞一日相遇於景靈幙次王謂李曰見君告詞曰具官李浩但知健羨不揆孤寒既名右相之名又字元樞之字

蓋謂史丞相張魏公也滿坐皆笑

李浩史有傳

陳康伯字長卿紹興間左僕射孝宗初兼樞密封信國公禮遇殊渥但呼丞相而不名謚文正妹

楊萬里字廷秀紹興進士官終寶謨閣學士光宗嘗為書誠齋二字學者稱誠齋先生謚文節妹誠齋為監司時巡歷至一郡郡守宴之官妓歌賀新郎詞以送酒其中有萬里雲帆何時到之句誠齋遽曰萬里昨日到守大慙監繫此

妓術類

方洪字稚川廣府帥務德之弟洪文惠公遊廣府務德留攝
幕屬與洪同官胥吏倡優避其名呼文惠為共通判洪氏
所出本共工氏之後故左傳有晉共華魯共劉皆讀曰恭
至漢乃于左旁增水云詩堅

韓侂胄字節夫忠獻王琦曾孫相寧宗拜太師封平原郡王

金人索其首函送之

宋史 可以侂 六尺之孤 今文作託 韓命名

宋史云陳恒早為善類所予後坐偽禁中廢首稱侂胄
為我王士論由此薄之四朝間見錄云南園乃慈福所賜
韓者掌園吏金其姓皆武爵之近上者聽其滿口皆稱師
王師謂太師王謂郡王曾三異因話錄云獻侂胄者皆

稱師王晚年伏誅錢伯通在政府奉御筆施行都下語曰
文殊普賢自闢象祖打殺獅王象祖乃伯通名也諫妄稱
呼至是遂作精對可發後世一笑 宋史倪思傳寧宗召
還試禮部侍郎兼直學士院引對因言士大夫寡廉鮮耻
列拜于勢要之門甚者匍匐門竇稱門生不足稱思坐思
王甚至于思父者諛文豐賂在所不論也田汝成西湖志
餘云陳自強為侂冑童子時師既拜右丞相嘗語人曰自
強惟一死以報師王每稱侂冑曰思主恩父稱蘇師旦為
州書吏史達祖為兄侂冑有愛妾被譴錢唐令程松亟召
女僧以八百千市之舍之中堂夫妻上食甚謹居數日侂

胄意辭復召知為松所市大怒松亟上謁獻之曰頃有郡
守辭闕者將挾市外郡某忝赤縣恐忤鈞顏故為王匿之
耳妾入具言松謹待禮侂胄大喜躡除太府寺丞累遷右
諫議大夫猶怏怏不滿乃更市一美人獻之名曰松壽侂
胄曰奈何與大諫同名答曰欲使賤名常達鈞聽耳侂胄
憐之即同知樞密院事

程松字名老池州人事詳慶元
彙禁及宋史原作程松壽誤

四朝間見錄又云姑蘇韓壩產梨為天下冠中都謂之韓
墩梨避廟諱改韓村梨侂胄當國餽者不敢謂韓村直曰
韓梨盖中都以凡人為村故諱之

田登字升之寧宗時官至殿撰老學菴筆記登作郡自諱其

名觸者必怒吏卒多被榜笞於是舉州皆謂燈為火上元
放燈許人入州遊觀吏人遂書榜揭於市曰本州依例放
火三日鐵圍山叢談云登留守南都日如此因被白簡至
今遺士大夫談柄陳禹謨說儲云吳人有州官放火之謔
本此

蜀太守某入蜀記云宋玉宅在秭歸縣東今為酒家舊有石
刻宋玉宅三字近以郡人避太守家諱去之或由此失傳
可惜也廣業案范成大石湖詩集有宋玉宅詩題下注相
傳秭歸縣治即其故址縣左旗亭好事者題作宋玉東家
放翁入蜀在乾道五年石湖詩作於淳熙年則旗亭所題

必後人因石刻無存姑為此標識也故石湖不復言有石
刻

朱希亮隸州人為鄧州教官有喬世賢者特力輕忽偶與朱
值遷問曰君心希何亮朱報曰何世無賢今日未問君名
姓將何出喬愕然不能答蓋古惟有橋姓而省木莫知其
由至唐始有葵及知之或曰虜中貴姓也雜助編

史彌遠字同叔小名覺忠定王浩子相寧理二朝二十餘年
擅權用事封衛王祖名詔 鶴山集奏乞杖回故相史彌
遠御筆云至于書故臣爵謚而不名則雖以國初佐命元
勳猶誅有與也 文獻閣學士倪思墓誌載其遺狀云末

流之弊至避柄臣名諱以詔為詰以照為證以遠為邀登
之朝廷文書無所忌憚西湖志餘云彌遠權勢赫烜士流
無耻者多以鑽刺進秩宮宴時有伶人執拳石以大錯鑽
之久而不入嘆曰鑽之彌堅一伶遽撲其首曰汝不去鑽
彌遠却來鑽彌堅可知道鑽不入也舉座震栗翌日彌遠
杖伶人出之境廣業案彌遠弟名彌堅伶蓋兩譏之

趙范字武仲忠肅公方子紹定間兵部侍郎兩淮制置使

金史白華傳有范用吉者本姓字魯名久住初歸入宋
謁趙將以計動其心更姓名范用吉趙怒其觸諱斥之用
吉應對如故趙良久方悟且知其事與已符遂擢置左右

易其姓曰花使為太尉改鎮均州未幾納款于北張端義
貴耳集文仲在楚趙日倡家初至問其何來荅云因求一
椀飯方到此趙怒其斥已名又及其父名立斬之

孟宗政字德夫開禧末以功升武功大夫屢破盻兵金人呼

孟爺爺

宋史

賈似道字師憲號秋壑理宗相援立度宗拜太師每朝必吞
拜稱曰師臣而不名朝臣皆稱為周公及貶循州鄭虎臣

監行每名斥似道辱之備至

宋史

齊東野語云似道遠

齋時押送官為湖州推官沈

士珪揭山陰尉鄭昂臣

然傳記多言鄭而畧沈

潛說友臨安志每稱必曰太傅平

章魏國賈公且空格其上尊之同于當守癸未雜識續集

云省吏屠節嘗出知道州太守屠劄其本房書史以避賈
相名書作某人知春陵州事實見之大怒批云二名不偏
諱臨文不諱皆見於禮經今屠節乃敢擅改州名可見大
無忌憚使不覺察豈不相陷決欲黜之諸省吏羅拜懇告
遂從編置

王惟忠為利州西路安撫間余晦鎮蜀心輕之呼其小字曰

余再五來也晦怒誣奏致死

續綱目

王僧彥為朝奉郎父名師古嘗自呼硯為墨池謂鼓為皮棚
人或誤犯輒以他事中之曾知嶺南郡有李彥古者以進
納得官過郡請謁遂題刺云永州司戶叅軍李墨池皮棚

謹祇候僧彦大喜示子弟曰奉人當如此矣

續墨客
揮犀

陳郁字仲文號藏一宋季官尚書其子晦入元著隨隱漫錄云先君號藏一蓋取坡詩唯有王城最堪隱萬人如海一身藏之句凡遇詔詞皆稱藏一初以為晦避父名故改書號非詔本文也後閱劉堽水雲村藁有題度皇在東宮時御札云令旨付藏一所有陳世崇字伯詩文藁都好再簡幾首末在來日定要千萬千萬四月五日元辰初札付陳藏一據此則東宮已稱其號意詔詞亦爾也

王邁字貫之號臞軒度宗朝官終右侍郎嘗戲劉後村克莊曰舟兒二十年前何其壯二十年後何其不壯劉應白主

畫二十年前何其遇二十年後何其不遇此善謔也

癸丑
雜錄

集外

經史避名彙考卷三十三

海寧周廣業耕廬

官僚四

遼

耶律休哥字遜寧聖宗時太后稱制以伐宋功封宋國王太

后嘉之免拜不名遼史

張儉統和進士聖宗夢四人侍側賜食人二口見儉名始悟

累官叅知政事興宗拜太師中書令加尚父封陳王進見

不名賜詩褒美廣業遼世加尚父者甚多不名者僅見

馬人望字儼叔咸雍進士判南京三司使庫物出入皆使

別籍姦人黠吏莫得軒輊乃揚言年老朝論改南院宣徽使以示優老踰年天祚手書宣馬宣徽四字召之至諭曰以卿為老誤聽也改南院樞密使

金

楊伯雄字希雲皇統進士世宗大定間太子詹事知無不言匡救宏多後宮僚有詭隨者人必稱楊詹事以媿之下金叟下金主無不名呼其臣世宗稍加敬禮本紀載大定二十三年制外任嘗為宰執者凡吏贖上省部依親王例免書名頗得敬大臣之體章宗朝呼卿及字者亦間有之金人多數名史傳有正名有本名又有賜名或云某字書作某

女直語無正音故也今畧舉一二以備一朝典故焉

趙胤字文孺明昌末禮部郎中自號黃山道陵中秋賞月瑞光樓命賦詩以清字為韻落句云聖朝不奏霓裳曲四海歌謠即樂聲大加賞異手酌金鍾以賜且字之曰文孺以此鍾賜汝作酒直士林榮之高祖言不如子房君父字呼臣子不為無故事也

中州集

麻九疇字知幾七歲有神童之目興定末試詞賦第二經義第一及廷試以誤出遂隱居不應科舉正大間侯摯等薦授應奉翰林文字謝病去明昌以來稱神童者五人太原常添壽四歲能詩劉滋劉微張漢臣後皆無稱獨知幾能

自樹立者如趙秉文以徵君目之而不名

陳尙哀宗時為司諫至大九年元兵圍汴赤蓋合喜罷樞密時尙屢上封事言得失切中時病合喜大怒召入省呼其名責之曰子為陳山可耶果如子言能退大敵我當世與若為奴聞者竊笑蓋不識尙字分為兩耳

元

賽典赤瞻思丁一名烏馬兒回回人其國言賽典赤華言貴族也遯降太祖命入宿衛從征伐以賽典赤呼之而不名贈咸陽王又玉昔帖木兒世祖寵以不名賜號月呂魯那演華言能官也嚴廣平王官太師以豁刺哈縣曾祖啟昔

禮汰祖賜號塔刺罕世祖錄勲臣命哈刺哈孫嘗宿衛襲

祖號自是人稱答刺罕而不名

阮史同

高挺字孟卿其先殷氏避宋諱改世祖在潛邸由東平經歷徵至鹽州入對稱旨字而不名官樞密副使贈魯國公

張德輝字耀卿交城人金亡史天澤辟為經歷世祖召見潛

邸以字呼之錫賚優渥後參議中書省事與元裕李治游封龍山時人號龍山三老年八十卒又譚澄為監縣多善政世祖在藩嘉其容止安詳留居之稱其官而不名

趙璧字寶仁世祖為親王聞其名召見呼秀才而不名後拜平章政事亦力撒合者為世祖掌服御時訪以大政稱之

曰秀才而不名後為南臺中丞奏誅忽卒及楊璉真伽又
李彥字士都興寧進士官行臺經歷世祖嘗燕處望見輒
歛容曰李秀才至矣其見敬禮如此

耶律楚材字晉卿美鬚宏聲世祖處之左右呼曰吾圖撒合
里而不名吾圖撒合里國語長鬚人也官右丞相

董文忠字彥誠藁城人俊第八子世祖授奉訓大夫嘗呼董
八而不名仕終樞密院玩文類辨董八亦異數也文忠兄
文炳字彥明世祖呼為董大哥其子士選字彥卿成宗亦
以董二哥呼之文忠子士珍字周卿歐道元神道碑云文
忠行第八世祖嘗以其行呼之士珍行協第八世宗祿侍

裕宗東宮裕宗知之亦呼以行而不名特加一小字以別其父焉廣業案董氏在元世以行第見稱主上者四人禮遇之隆所僅見也

史天澤字潤甫秉直季子也至元初出入將相五十年上不疑而下無怨人以比郭子儀曹彬卒贈太尉謚忠武進鎮陽王立廟輟耕錄云忠武王髭鬚已白一朝忽盡黑世皇驚問曰史拔都汝髭何乃更黑耶對曰臣用藥染之漢人名拔都者唯王與太師張獻武王統及真定新軍張萬戶興祖耳又云張萬戶以國言賜名拔突即拔都與突字雖異而聲相近蓋譯語無正音故也

劉國傑字國寶本安真人姓烏古倫入中州改氏劉從世世平宋賜弭霸都華言敢勇士也國傑行第二世祖因呼曰劉二霸都而不名官至光祿大夫

楊果字正卿蒲陰人金正大進士世祖時叅政及例罷猶日赴省議事至元六年出為懷孟道總管以前嘗為中書執政官移文申部特不署名廣業案此沿金世宗大定舊例也元初未有此制故史以為異而書之然元史刑法志職制條載諸內外百司公移尊卑有定各守定制唯執政出典外郎申部公文書姓不書名則謂此例始于楊果可也許國禎字進之世祖朝集賢大學士進光祿大夫每進見帝

呼許光祿而不名由是內外諸王大臣皆以許光祿稱之
葉李號亦愚 癸辛雜識云亦愚之為右丞相也李漸泉班

通書題邨云門生中奉大夫福建宣慰司班蓋徑去自己
之姓以避其名其苟賤不足道如此漸泉在前朝為省元

為從官為督府參謀所守如此宋安得不亡

葉元史葉李字太白一字

舟玉杭州人理宗時以京學生上書攻賈似道世祖拜御史中丞魚種中書省事又除平章事皆辭不受與此言亦愚為右相不同然同密與葉同時必不誤也

張康字汝安號明遠幼力學旁通術數宋亡隱衡山至元中
召授著作佐郎凡召對禮遇殊厚呼為明遠而不名

案元世祖尊禮賢臣不名之典史不絕書而於儒士尤

所加意其在潛邸以東明張持立養素窮經賜號中庸先生且名其讀書之堂曰麗澤登極後命皇子真金從學竇默拜為昭文館大學士謂侍臣曰朕求賢三十年唯得竇漢卿及李俊民二人又曰如竇漢卿之心姚公茂之文合而為二斯全人矣漢卿默字也初字子聲後改名傑字漢卿卒諡文正公茂名樞官翰林學士承旨諡文獻二人皆稱字俊民字用章賜諡莊靖先生

阿魯渾薩理以父名萬全遂姓全氏成宗初守司徒集賢院使召對不名賜坐視諸侯王嘗語左右曰全平章真全材也廣業案父名金子氏全家諱之不知遑問軍國事乎失

禮甚矣

趙宏偉字子英仁宗在東宮遇之甚厚常以字呼之為浙東廉訪使延許謙為師於是人知向慕封天水郡公

李孟字道復仁宗朝中書平章政事入見必賜坐語移時稱其字而不名皇慶延祐之世一政之繆人必以為鐵木迭兒所為一令之善必歸于孟焉

敬儼字威卿皇慶年中書叅政每入見字曰威卿而不名

臧夢解慶元人宋末進士知海寧州治最官至湖南宣慰副使自號魯山大夫士稱之者不以官皆曰魯山先生

趙孟頫字子昂延祐初翰林學士承旨帝眷之甚厚以字呼

之而不名

王約字彥博太子副詹事仁宗嘗字而不名諭羣臣曰事未經王彥博議者勿啟

察罕西域人生時月白如畫國人謂白為察罕因名皇慶初平章政事暮年居德安白雲山別墅以白雲自號嘗入見帝望見曰白雲先生來也其被寵遇如此賜姓白氏

揭傒斯字曼碩天歷初開奎章閣擢為授經郎以教勳戚大臣子孫文宗恒以字呼之而不名每中書奏用儒臣必問曰其材何如揭曼碩與柳貫黃潛虞集齊名號儒林四傑元宋文憲集元故秘書少監揭君墓碑云有元盛時荆楚

之士以文章名天下者曰虞文靖公集歐陽文公允范文
白公棊揭文安公奕斯海內咸以姓稱之而不敢名

李术魯神字子翬始名思温字伯和從新喻蕭克翁學克翁
夜夢大鳥止其所居翼覆軒外俄冲天去明日神至乃為
易名字文宗時僉太常禮儀院兼經筵官帝嘗呼字子翬
而不名遷集賢學士兼祭酒帝師至京有^禮朝臣一品以
下皆郊迎大臣俯伏進觴帝師不為動唯神舉觴立進曰
帝師釋迦之徒天下僧人師也余孔子之徒天下儒人師
也請各不為禮帝師笑而起舉觴卒飲衆為悚然

周伯琦字思温至元初宣文閣授經郎工書法帝命篆宣文

唐書于是扁摹王羲之龍亭序卷永千文刻石間中自是
累轉皆宣文崇文之間卷過益陰常呼其字思溫而不名
終江浙行省中丞

趙祐字天錫宛邱人官財賦副總管公委至吳吳固公辟掾
訪其隣舊戒其僕曰汝至人家須鞠躬屏氣扣門問人有
無汝但曰前路吏趙天錫慎毋曰趙總管趙總管云視自
炫顯重者有間矣

鄭元祐遂昌雜錄案元祐嘗客天錫家
稱為宛邱公其月夜懷友十五首首題

邱宛

察罕帖木兒順帝時平章政事至正十二年起義兵滅賊幾
盡為王士誠所刺死其養子擴廓帖木兒亦不屈死明史

贊曰洪武九年方谷珍死宋濂奉勅撰墓碑於一時羣雄皆直書其名獨至察罕曰齊國李忠襄王順逆之理昭然可見矣

案邵遠平續宏簡錄凡例云元人名字多雷同其大者有九伯顏十三脫歡十五脫脫覽者最易眩目較耕錄載大師丞相脫脫為顏哥失里等擠陷死顏為宣政使有侍從人曰桑哥失里甚得顏意舉充院宣使一日奄逝二卒引至獄祠見太師曰我所攝者院使也於汝無預遂得歸明日顏暴卒蓋顏桑止一字之異音又相近致鬼神亦誤攝也乃其君臣之間頗合于春秋名不如

字之義故詳錄之

明

劉基字伯溫青田人封誠意伯上禮重之常呼為老先生而

不名曰吾子房也正德間謚文成

見黃學行狀及明史傳

案基自

作國初禮賢錄云基歸葬母上時使人訪軍國事于基其書多自製皆稱御諱頓首奉書伯溫老先生問下而不名

宋濂字景濂號潛溪金華人太祖除翰林學士傳太子太子

言必稱師父太祖常呼其字曰景濂官至學士承旨

明鄭

楷行狀云明初應詔先生與青田劉君基麗水葉君琛龍泉章君溢俱見上尊重之語必稱先生而不名革朝志云

義烏王禕與漁齊名禕官翰林院待制太祖稱為子克而不名嘗曰浙東二儒卿與漁耳禕後死跡雲南子紳亦工著述漁罷之曰華川其有後乎華川禕別號也

徐司馬字從政揚州人太祖養為子官都指揮使詔復姓鎮河南時宋國公馮勝方練兵河南救書但書都指揮官而不名翅

秦從龍字元之洛陽人元江南行臺侍御史避亂鎮江太祖丙申年中山武寧王徐達下鎮江得之上喜甚迎之入時改元御史臺為府居從龍于西華門事無大小皆與之謀每稱為先生而不名陸深錄章漫抄

羅復仁吉水人洪武初宏文館學士太祖賢其質直呼老實

羅而不名

王時槐作傳

熊鼎字伯穎臨川人元鄉貢進士明初官起居注創制更革之典多所預聞上遇之厚每字稱而不名

宋濟岐寧衛經歷墓銘

陳遇字中行金陵人元温州教授棄官歸隱學者稱靜誠先生太祖召見禮待加厚稱先生而不名再命為翰林學士兩除禮部侍郎皆固辭上嘉獎連呼為君子眷待之厚亞於勲戚楊士奇為誌墓

練里集

任亨泰洪武戊辰會試第一命有司於襄陽建狀元坊旌之甚被寵任每名議手書襄陽任而不名後自禮書請御史

王世貞國朝
筆記雜編

胡壽昌字子祺以字行以御史知福建延平府有善政人敬
之不名字之但稱胡延平云楊士奇傳廣業案明初以字行
者甚多明詩綜載嚴震直初名子敏字震直因御稱其字
乃互易焉意當時朝臣類如此也

魏驥字仲房致仕居蕭山嘗野服坐小輿至抗遇錢唐縣主
簿不及避簿使吏問之曰我蕭山魏驥也吏反命簿怒曰
道甚蕭山會稽復使問之曰南京吏部致仕尚書耳簿驚
下馬請罪不已公曰我不能避官人何故如此乃援之而

起杭州志

楊榮字勉仁初名子榮建安人建文二年進士授編修成祖

簡入文淵閣改令名累工部尚書正統間與士奇俱進太

師謚文敏明武義人楊云精醫宣德乙卯召授太醫院使

甚被寵遇舊名榮曆宗以其與尚書榮同不便宣召賜名

云金華志士奇名寓明史作寓披東里續集自志以字行一

字僑仲泰和人起家文學建文召入翰林永樂初輔太子

監國仁宗進少府英宗朝少師謚文貞壽八十自號東里

老人居官二十年廉能冠世為名臣楊溥字宏濟石首人

與榮同舉進士授編修仁宗擢翰林學士正統三年進少

保武英殿大學士溥後士奇榮二十餘年入閣乃與並列

中外臣民稱為三楊以居第目士奇曰西楊榮曰東楊而溥嘗自署郡望曰南郡因號為南楊溥卒蓋文定明稱賢相必首三楊水東日記云宣德正統間名臣稱三楊先生廣業案三人皆歷事建永熙宣正五朝故革朝志列之外傳謂士奇文名特盛而其自志有云叨祿於朝歷事四聖已自遺建文此誅心之論也今言云我朝之有謹身殿大學士也自東楊始輔臣歷官至一品自西楊始東西楊皆領三官陳芳洲高文義領五官矣然皆領戶工尚書其領吏部尚書則自王毅愍始也西楊兵部東楊工部終其身也王以後多吏部矣輔臣之有少師自西楊始也西楊

卒而少師虛位者四十餘年萬安亦登少師博野繼之自後洛陽長沙新都順德丹徒鉛山永嘉貴溪分宜皆少師矣

李賢字原德鄧州人宣德進士憲宗初少保華蓋殿大學士謚文達自三楊以來得君無如賢者言無不盡唯譏景帝荒淫柳葉盛擗岳正不救羅倫為世所少史

王翱字九臯鹽山人永樂進士景泰朝吏部尚書天順初與

李賢甚相得帝眷之厚名對便殿稱先生而不名彭華撰

作呼為老先時翱年幾八十矣威化進太子太保翱帶碑

經堂詩話云盧山王忠肅翱官太宰滄州馮恭饗昂官大

司馬忠肅在朝每面呼其名此古道之不易行者何良俊
四友齋叢說云穆宗時趙大周在內閣日如楊虞坡冢宰
王南珉都憲皆直呼其名或以為言大周曰昔微生畝亦
稱孔子之名我豈得為薄待之哉嘗觀雙槐歲抄云王忠
肅翱自總督兩廣入為太宰馬恭襄代公總督後恭襄入
為大司馬忠肅猶呼其名恭襄未嘗不敬諾也知此事前
輩有之大周欲行之於今日豈能一日容哉

陳文字安簡正統進士憲宗朝太子太保兼文淵閣大學士
謚莊靖公 朱國禎湧幢小品云日記載故事凡入閣者
皆於文字下加一字如文貞文正之類陳文卒議謚衆論

鄙之特愛例謚曰莊靖此說非也謚以易名陳謚文是用

其名也王文謚毅愍

原作莊愍宗王文字牛之初名強景

化漢官賜謚則毅愍為是

朝少保大學士英宗復辟見設成

晚而作毅愍今從明史故

林文謚襄敏林字皆此意或

問程文德謚文恭林文俊謚文脩何居曰程林二公二字

名也二字名者以下字為重廣業案明初有東海侯合肥

陳文謚孝勇鄭曉今言以為我朝文臣無謚孝者惟國初

陳孝勇是也又正德間戶部尚書韓文宇貫道卒謚忠定

亦不用文字郭子章謚論云我明謚法脈昔微異人主親

王一字大臣二字翰林樂謚文公侯樂謚武則文武二字

分為殊科而以下一字定褒貶猶一字謚也惟忠肅昭緒

襄敏忠文等諡二字並重為二字諡也今言翰林諡文並非令典鄭文安倪文簡吳楊二文恪魏文靖葉王邵三文莊何文肅王文毅皆非翰林官至內閣不得諡文者馬許二襄敏王毅愍陳莊靖是也

劉健字希賢號晦菴洛陽人天順進士化治朝官少師華蓋殿大學士與李東陽謝遷同心輔政所奏語無不納帝呼為先生而不名時人語曰李公謀劉公斷謝公尤侃侃天下稱賢相焉東陽字賓之茶陵人太子少保文淵閣大學士遷字于喬餘姚人太子太保東閣大學士翊 芷沅治世餘間錄孝廟優禮大臣無大故未嘗斥辱如尚書劉大

夏都御史戴珊輩往往召至幄中從容講論內閣諸臣皆稱爲先生李西涯詩云近臣嘗造膝間老不呼名蓋實錄也

賀恩字其榮陳策字嘉謨都公譚纂云沈石田先生嘗與陳起東會飲於吳太史家時賀解元恩陳進士策在坐先生不善飲酒至輒辭起東云吾有一對君能對之我當代君飲因云恩作解元禮宜賀其榮也先生曰策爲進士職當陳嘉謨馬合座擊節

李夢陽字獻吉號空同其先慶陽人從開封初母娠時夢日入懷故名宏治進士習學西江時有士子適同其姓名公

呼而前曰汝不聞吾名而敢犯乎對曰名命於父不敢更也公默然久之曰我且出一對句試汝能對則已否則終不怒曰簡相如司馬相如名相如實不相如其人思不久輒應曰魏無忌長孫無忌汝無忌我也無忌公笑而遣之

外山堂

廣業案宏正間崆峒與何大復景明謝茂秦榛等

並以詩名所謂前七子也近高邱劉山蔚榛與里中長者同名或傳其意令更之山蔚不可因作同名說其文甚辨中言長者已同謝茂秦而不更天下後世同名者何限豈得盡更之又言不得同者御名及廟諱在律犯者杖非凡人所得僭擬也

歷直堂文集

曹

號定菴

家居日有人向門大罵家人稟知公曰

知他罵何人後呼名大罵家人曰今呼名矣公曰世豈無
同姓名者聞戶可也越三日罵者死公曰使前日一與較
生多少口舌矣

雲間雜誌

張孚敬字茂恭永嘉人初名璉字秉用正德進士世宗朝以
議尊輿獻累進首輔嘉靖十年以名嫌御諱請更乃賜令
名字始終卷禮廷臣卒莫與二嘗稱少師蘿山而不名諡
文忠妯王世貞撰傳云嘉靖朝上稱公號及字別號蘿山
最後上呼之為羅山更稱羅山

陳與郊代葛中丞作藁表同

嚴嵩字唯中號介溪分宜人宏治進士嘉靖朝少師華蓋殿

大學士王世貞四部稿有袁江流鈐江岡當廬江小吏行
叙分宜父子事極詳中有云憲詔下相公但稱嚴少師或
字呼唯中是天子不名之也穀山筆塵云分宜相在位江
右士大夫往往號之為父其後外省有效之者趙文華其
最也世蕃以父任官至工部右侍郎嵩昏耄且旦夕直西
內諸司白事輒曰以付東樓東樓世蕃別號也朝事一以
委之士大夫側目屏息

楊實卿字方洲四川遂寧人幼時習學浚川王公廷相難以
經史答如響字其名曰本實方洲曰此鄉先生余憲副諱
也跪謝不敢公愕然曰孺子有此識哉遂補弟子員後官

編修

陳誥墓誌

周思兼字叔夜華亭人廣西提學副使其孫裕度作客諧偶鈔云先學憲居鄉之日歲朝拜廟歸經北城河有一人大呼學憲之名不應則尾其後呼之學憲曰得非我弟男子姪開罪于彼耶命呼此人至問之惶愧不能應學憲曰君既無故呼我當弗較但汝少年不可不戒若加于他人身家不保矣此嘉靖壬戌年事此人每至歲朝必舉此事以訓後生人問所以呼名之故曰素知此公厚德以為決無他患故妄有此舉自誇豈料作終身之愧耶

陳仕賢字邦憲福清人嘉靖進士十八年知杭州府以清白

著稱胡七脩類纂云吾府知府名仕賢而照磨亦名仕賢
予曰改於僉公座時似免同名之嫌乎照磨曰嘗欲改之
太守以今朝廷尚文忌二名之嫌汝父命之今為長吏改
之可乎廣業案馬如龍杭州府志載照磨嘉靖間任者有
鍾姓注云名缺其前為正德年韓碧鍾下陳大經則嘉靖
三十四年任即此推之知鍾照磨必郎氏所云名仕賢者
也蓋與郡守名同故當時不甚顯而志遂逸之歟

秦金字國聲無錫人宏治進士世宗朝戶部尚書

明史慈谿

秦金字懋南與司徒同姓名進士謁選曰司徒諷令改名
且得要署金曰禮子生三月父命之名先人在猶不敢况

既歿惡以一官易乎卒不改司徒大恚

天啟惡
縣志

張居正字叔大江陵人生時母夢一大龜入室因名曰龜後

夢神人謂洩天機乃易名

北偶談
邱守李翔謂此不足名子為改

案行狀初名白圭

名號太岳嘉靖進士侍裕邸講讀王甚賢之隆慶朝少師

建極殿大學士萬曆初為首輔太后以帝冲年尊禮居正

甚至未幾丁父憂奪情起復常賜札稱元輔張少師先生

後病革乞歸上優詔慰留稱太師張太岳先生時已進太

師也謚文忠後追論奪爵崇禎中復官朔王世貞作傳

云先是上所賜札稱元輔或稱先生而不名稱先生者獨

孝廟然而諭則有之不以施筆札至是始兼稱元輔張少

師先生見待以師禮而居正亦自負為帝者師且引贊拜不名之禮儼然蕙蕭何子房而有之既假歸復召入朝道經真定襄王出候折簡要居正宴故事人臣雖貴極公侯謁王執臣禮居正不欲執臣禮辭不入王強之乃直至偏殿賓主而出王者之有北面自襄王與居正始也後竟奪爵藉其家 穀山筆塵云自古大臣殊禮至贊拜不名而止過此則不臣矣宇文護為周太宰詔自今詔誥及有司文書並不得稱其名甚於贊拜不名矣江陵柄國禮遇殊絕上而旨勅下而題覆不曰元輔即曰太師蓋不著其名氏此待宇文護之禮也當此之時識者已為寒心而群小

喻喻猶以為未至也假以歲月何所底止噫亦隆矣又云
江陵晚節禮遇極隆至稱太岳先生張元祐待軒集云人
諛其相業則曰我不是相是攝倣然以大舜自居易知錄
云時佞諛成風至章疏不敢稱名第稱元輔居正卒餘威
尚在言官奏事尚稱先太師 觚不觚錄云故事投刺通
書於東面皆書一正字承傳已久余自癸酉起官則書牘
以指潤經紙帖其上間書啓字及萬歷丙子入朝投刺俱
不書正字初亦以為雅既而知其為避江陵諱也王士正
古夫于亭錄云是正字一諱于泰始再諱于江陵矣廣業
案今投刺東面仍用正字而書牘則皆作啟是江陵之諱

至今避之用者自習焉不覺耳

馮夢頌快雪堂漫錄云吳

為言近例街門入者諱讀以下不問科第深率用晚
侍生帖復巷云嘉靖間想無此何分宜當國時有公家
居十為異蓋街門用晚生者唯七科前輩不論分宜公
亦不為與蓋街門用晚生者唯七科前輩不論分宜公
又新進者以宮論改請學掌院時請教聞師中公換晚生帖
陽何公以宮論改請學掌院時請教聞師中公換晚生帖
又辛未散館時中瑤老以宮院時請教聞師中公換晚生帖
受晚生帖途中相避諸公避馬瑤老亦下馬作揖後請教
江陵公用晚侍生
不避亦權宜也

呂調陽字和卿別號豫所七歲未名塾師授以周散騎千文

指律呂句曰茲吾名也因名隆慶時少傅兼太子太傅建

極殿大學士上優禮師傅見稱不名

吳國倫行狀

錢同愛字孔周與文衡山最相得與馬承學同學承學好馳

馬同愛戲曰馬承學之乘馬汲汲而來馬應聲曰錢同愛

之銅錢孜孜為利文樛掌大笑

外紀 先山堂

于慎行字無垢一字可遠號穀山東阿人隆慶進士萬歷中

太子太保東閣大學士謚文定明 查慎行出都買得穀

城集想其人七月初九夜宿鶯縣乃公故里也夢公投刺

見訪自叙出處本末甚悉覺而異之敬紀一律云館閣論

前輩先朝一穀城如何犯公諱直欲改余名往事儀型在

神交夢寐清篋中有佳集去國仰高情

敬業 堂集

許國字維禎號頴陽申時行字汝默俱萬歷朝入閣世說補

編許公與申公相約詣一所公謂許曰此方午時其未及

申時行字中應曰既以身許國不得不爾

朱國楨字文寧烏程人天啟朝大學士加太傅謚文肅野乘云朱相國萬歷戊戌主會闈得一卷甚佳以策犯國楨字棄去太史陳如岡房一卷亦以如岡如陵句犯其名見棄識者每嗤其刻厲業案是年會試錄主試者係大學士沈一貫翰林侍講曾汝楫烏程相以檢討為同考非主會闈也陳如岡前後錄中俱無之不知何時同考也

周延儒字玉繩宜興人崇禎初首輔為溫體仁所構既歸復起為少師談徃云玉繩之再召也在崇禎十四年二月六日陛見相得甚歡呼先生而不名

左良玉初事侯司徒恂大凌河之捷奏為總兵官會秦寇入

豫命良玉往剿司徒問其字良玉曰無也司徒笑曰豈將

軍終身稱名者哉良玉拜請司徒曰即崑山可矣乃號崑

山侯朝宗作傳其掌記喻布衣者性方嚴良玉父事之每出軍

敗喻南面呼名責之曰良玉朝廷待汝厚今折損官家士

馬又曰糜其餉金何以為顏乎左封寧南時在崇禎十六年喻已

死左每飲酌酒于地呼喻大兄其待士識道理如此紀冠

遊擊官某妻妾甚多最諱其小字呼年曰歲生曰硬馬曰大

驢又諱敗為勝安為放雖簡札往來不甚忌諱而家人道

之則怒一日司禮吏白事誤犯大怒以硯擊之立斃三日

後醉卧見吏持刺入問何為吏曰馬子安來拜忽悟其鬼
忽起拔刀揮之吏微笑擲刺几上泯然而歿取刺視之書
云歲家眷硬大爐子放勝暴謬之夫為鬼椰揄甚可笈已

聊齋
志異